

VSTV o Općinskom sudu Sarajevo

Neosnovane pritužbe „Doma“

Ured disciplinskog tužioca pri Visokom sudskom i tužilačkom vijeću BiH okončao je provjere pritužbi Udruženja građana „Dom“ na postupanje Općinskog suda Sarajevo po zahtjevima za uknjižbu prava vlasništva na otkupljenim nacionaliziranim stanovima, saopćeno je iz Ureda disciplinskog tužioca, a prenijela Fena.

U istrazi je utvrđeno da je Sud

postupao na temelju relevantnih propisa i da ne postoje dokazi da je predsjednik ovog suda izdao usmenu ili pismenu naredbu da se obustavi postupanje po zahtjevima građana. Istovremeno, nije utvrđeno da je dopis Ministarstva pravde Federacije BiH na bilo koji način utjecao na obustavu postupanja u ovim predmetima.

Ured disciplinskog tužioca od

„Doma“ je zatražio dostavu dodatnih informacija kojima potvrđuju svoje navode, ali predstavnici tog udruženja nisu dostavili tražene informacije.

Na osnovu tih činjenica, Ured je zaključio da ne postoje osnovi za daljnje postupanje u pogledu eventualne disciplinske odgovornosti predsjednika Općinskog suda Sarajevo, stoji u saopćenju.